



Ana Patricia Torres Madureira, na súa condición de voceira do Grupo Provincial Popular na Deputación de Ourense, con base ao previsto nos artigos 91 e 97 do ROF, e de acordo á Lei de Base Reguladora do Réxime Local e o Regulamento da Corporación, presenta a seguinte **MOCIÓN RELATIVA A DIFÍCIL SITUACIÓN QUE ESTÁN A VIVIR OS VITICULTORES DA D.O. RIBEIRA SACRA**, para o seu debate no pleno da corporación, tendo en conta a seguinte

EXPOSICIÓN DE MOTIVOS:

Os viños elaborados na Ribeira Sacra contan con Denominación de Orixe desde 1996 e actualmente son recoñecidos a nivel mundial tanto pola súa calidade como pola dificultade que entraña o seu cultivo.

A maior parte dos viñedos en Ribeira Sacra precipítanse sobre as ladeiras dos ríos Miño, Sil, Cabe e Bibei, cunhas pendentes que poden chegar nalgúns puntos ao 70%. Esta particularidade e a case ausencia de mecanización no proceso de cultivo e recolección, fan que se coñeza a esa dificultosa tarefa como “viticultura heroica”, un selo que sómente o 5% da superficie vitivinícola mundial ostenta.

O cultivo da vide na Ribeira Sacra foi implantado polos romanos e recuperado durante a Idade Media polos monxes dos innumerables mosteiros cos que conta, facendo que o legado continúe, sendo hoxe en día o motor económico de boa parte da zona.

Os viños, sobre todo o tinto, están a ter dificultades en todo o mundo. Os motivos aínda non están claros aínda que as hipóteses apuntan a cambios no tipo de consumidor, modas, o cambio climático e mesmo a pandemia. Esta última foi unha das responsables da acumulación de tintos en numerosas adegas de todo o sector.

As reservas de tinto non conseguen saír ao mercado. Non se pode falar dunha denominación ou dunha uva en concreto, pero nas zonas onde a produción é mais exixente é onde máis dano está a causar.



O Goberno Galego vai apoiar ao sector ante a situación de "excedente de viño" que están a vivir o conxunto de zonas vitivinícolas ante o descenso de consumo "para a destilación de crise". Esta medida estará dotada cun orzamento inicial de 500.000 euros, ampliable de ser necesario ata os 2,4 millóns de euros de fondos propios, cantidade máxima comunicada polo ministerio.

Fai falta lembrar que Galicia, xunto con outras comunidades autónomas, solicitou o pasado mes de abril ao Ministerio esta medida excepcional, que recentemente se aprobou pola Comisión Europea e, a través da cal, as adegas desta denominación de orixe poderán xestionar o seu excedente.

Tamén vai destinar un total de 2 millóns de euros a unha nova liña de axudas para a conservación e a loita contra a erosión nos viñedos da Ribeira Sacra. Trátase dunha medida nova que vai dirixida á viticultura heroica, na que se traballa nunhas condicións especiais de custos e dificultades.

A divulgación das oportunidades da PAC e máis promoción figuran entre as medidas de apoio que tamén se contemplan para os viticultores en xeral, e en especial para os da Ribeira Sacra. Dentro da PAC existen unhas axudas, en concreto o ecoréxime de cultivo leñoso en terreos con pendente, que na actualidade só estano solicitando o 28% dos viticultores, co obxectivo de crear unha capa de cobertura do chan para reducir a erosión neste tipo de terreos.

Estanse reforzando as estratexias de promoción da calidade desta denominación de orixe, en conxunto co Consello Regulador, préstamos pola recollida da uva, como en anos anteriores, etc.

Temos que destacar que na D.O. Ribeira Sacra están rexistradas 1.310 hectáreas, 12.120 parcelas, 2.134 viticultores e 98 adegas. A zona amparada para a produción do viño con denominación de orixe Ribeira Sacra comprende parroquias e lugares de 20 concellos situados ao longo das ribeiras do Miño e do Sil, no sur da provincia de Lugo e no norte da provincia de Ourense.



DEPUTACIÓN
DE OURENSE

Como informou o consello regulador da D.O. Ribeira Sacra recentemente, so na provincia de Ourense quedarán sen vendimar este ano ao redor de 350.000 Kg de uva, algo inasumible para os pequenos colleiteiros que a compoñen.

O Grupo Popular na Deputación de Ourense é moi consciente desta situación e sabe da necesidade de medidas urxentes que complementen as xa tomadas pola Xunta de Galicia para solucionar esta problemática de maneira inminente

En virtude de todo o exposto, o Grupo Provincial Popular propón ao pleno os seguintes

ACORDOS

1. Instar a Xunta de Galicia a habilitar unha liña de axudas para mitigar as perdas ocasionadas este ano os agricultores da D.O. Ribeira Sacra pola uva non recollida.
2. Instar ao resto dos grupos políticos na Deputación de Ourense para chegar a un acordo que permita complementar as axudas da Xunta de Galicia aos agricultores da D.O. Ribeira Sacra ata chegar o prezo de custo da uva non recollida na provincia de Ourense, garantindo a supervivencia das explotacións.

Ourense, 12 de setembro de 2024.

44468060K

ANA PATRICIA

TORRES (R:

V32237471)

Firmado digitalmente

por 44468060K ANA

PATRICIA TORRES (R:

V32237471)

Fecha: 2024.09.12

11:33:38 +02'00'

Asdo. Ana Patricia Torres Madureira.

SR. PRESIDENTE DA DEPUTACIÓN PROVINCIAL DE OURENSE